



## **Universitätsbibliothek Paderborn**

### **Historiae Ecclesiasticae Pars ...**

Historiae Ecclesiasticae Pars Secvnda, Qva Continentvr Socratis Scolastici  
Constantinopolitani lib. 7. Theodoriti Cyrensis episcopi lib. 5

**Christopherson, John**

**[Köln], 1569**

De Attico Constantinopolitani Episcopo, & quibus moribus praeditus erat.  
Cap. II.

**urn:nbn:de:hbz:466:1-12704**

# SOCRATIS

SCHOLASTICI HIS  
STORIAE ECCLE-  
SIASTICAE,

Liber Septimus.

*Quod post Imperatoris Arcadij obitum relicto  
annorum octo filio eius Theodosio, Anthemius  
Præfectus imperij administrationem suscepit.*

CAPVT I.



ORTVO igitur Imperatore Arcadio, Calend. Maij. Bassio, & Philippo Coss, Honofius eius frater, partium versus occidentem suscepit gubernacula: Theodosius iunior Arcadij filius, octo annos natus, partes ad Orientem sitas rexit, per Anthemium præfectum, qui summā rerum pro eo administrabat. Hic Anthemius nepos erat Philippi, qui Paulum Episcopum, regnante Constantio, expulit ecclesia, Macedonia: in eius locum substituit. Idem Constantinopolim firmis mœnibus circūdedit: vir quidem & visus est, & reuera fuit, hominum id temporis facile prudentissimus, nihilque temere & inconsulto aggreditus est: Sed semper de rebus gerendis & cum plerisque aliis necessariorum communicauit, & cum Troilo Sophista in primis, qui tum sapientia, quæ in ipsius animo insita erat, tum singulari rerum ciuilium prudentia, Anthemio nihilo fuit inferior: ob eamq; causam Anthemius in omnibus ferè negotiis suscipiens illo consiliario vsus est.

*De Attico Constantinopolitano Episcopo, & quibus moribus prædictus erat.*

CAP. II,

Impe-

Imperatore Theodosio octauum iam ætatis suæ annum  
agente, Atticus triennio Episcopatum Constantinopo-  
litani cum maxima laude procurauerat: Vir, vt supra  
demonstrauimus, doctrina mediocri, sed pietate & pruden-  
tia eximius. Quamobrem Ecclesiæ, eius temporibus ma-  
gnopere fuerunt amplificatae. Nam non modo suæ ipsius fi-  
dei fautores cōcordia deuinxit, verum etiam hæreticos sua  
obstupesecit prudentia: quibus certè nihil voluit exhibere  
molestiæ ille quidem, sed vbi eos perterrefecerat, rursus se  
erga illos mansuetum & facilem declarauit. Quinetiam  
neque doctrinæ studio neglexit: quippe in veterum scri-  
ptorum monumētis euoluendis multum operæ posuit, inq;  
eisdem magnam noctis partem contriuit, & propterea neq;  
Philosophorum neque Sophistarum argutiis capi, & obstu-  
pesieri potuit, & propterea neque à Philosophis, neq; à So-  
phitis barbarus, & in sermone rudis habitus est. His, qui  
cum eo in colloquium veniebant, vrbanus & blandus: qui  
autem erant affecti mœstia, cū illis condolescere visus est.  
Ne multis: omnia, vt est apud Apostolum, omnibus factus.  
Primum, cum presbyterij gradum obtinuisse, conciones,  
quas summo studio confecerat, ad verbum ediscens, in ec-  
clesia recitauit. Postea crebro vsu & diligentia maiorem au-  
daciam adeptus, ex tempore concionari cœpit, rationemq;  
docendi magis popularem fecutus est. Verùm eius concio-  
nes non eius generis fuere, vt merito vel ab auditoribus stu-  
diosè perdiscerentur, vel monumentis mandarentur litera-  
rum ad posteritatem. Sed de eius natura, moribus, doctrina  
denique satis superq; videmur disseruisse. Iam verò ad res  
eius temporibus gestas, quæ sunt dignæ hominū memoria,  
explicandas veniamus:

1. Cor. 9.

*De Theodosio & Agapeto, qui Synadis Episcopa-  
tum gerebant.*

C A P. III.

Theodosius quidam Synadorum, virbis Phrygiæ Paca-  
tianæ Episcopus, hæreticos (in ea namque vrbe com-  
plures erant ex secta Macedonianorum) grauiter per-  
secutus est, eosq; non modo è ciuitate, verum etiam ex a-